

# Kitikmeoni

Inuuhinut Piyangaiyautikkut  
Munaqhinirmut Katimayiit



## Ukiaghami 2012 Naiklilaakhimayumik Unipkak

uumani

Hitamaanik Kitikmeoni SEMC-kut Katimatjutaat  
Iqaluktuutiami, Nunavut: 27-29 Tarium Hikutirvia 2012  
Unalu  
Kitikmeoni Inuuhinut Piyangaiyautikkut Munaqhinirmut

## **Naiklilaakhimayumik Unipkak**

Kitikmeoni Inuuhinut Piyangaiyautikkut Munaqhinirmut Katimayiit ukuallu Doris North Inuuhinut Piyangaiyautikkut Munaqhinirmut Katimayiit katimayut Ikaluktuutiami umani 27-29 Tarium Hikutirvia 2012. Katimatjutait naunaiktakhatlu naiklihakhimayumik titirakhimayut uvani atani.

Katimatjutait Naiklilaakhimayumik

Kavamangat Nunavut, Kavamangat Kanatami , ukuallu Newmont katimayut 27<sup>mi</sup> Tarium Hikutirvia 2012 uqautigiplugu hamna inuuhinut piyangaiyarnikkut aktuqhitjuhiagut uma Doris North-mi Havakhauhirmi aviktuqhimanirmi, Katimayuni 41-nik naunaiktutautigiyaat uqautigiplugitlu, uvuuna uqautigilluakhugitlu Doris North-mi Havakhauhirmi, havaakhanik ukuallu kaantraqaqtitiyut.

Malrungni uplungni uqautigiyaat aviktuqhimanirmi hivunikhainik, katimayaqtuqtunut Kitikmeoni Haamlakunit, Kavamangat Nunavut, Kavamangat Kanatami , Kitikmeot Inuit Katujjiatigiingit, PALIHIMATKUT, ukuallu havaaqarumayut (Newmont, MMG, ukuallu Xstrata Zinc). Tamangmik kinguagut uqaqhimayut kuapuliksikkunik munariyakhainik uvuuna SEMC-kut imatutlu, ukuallu havaaqarumayut, qanuritjuhianik pinahuarutit imatulu inuuhinut piyangaiyautikkut havaktamingnik (e.g. uuktuti atauhiq (metric) umani Doris North uvaluuniit avatingnut naunaiyainikkutatuqtakhait).

Inirmata unipkaaktamingnik, Kavamangat Nunavut unalu Kavamangat Kanatami apighuktauyunut ilauyunit, humi amigaitilangitigut apiqqutainik kiuyauqattaqtut kinguani katimatjutaini(ilangit tammayait kihititit naunaiyautait atani uumani). Uqautigiyaat uvuuna, katimaqauyut naunaiyaiyut ilihagtutnatuqtakhainik nunallaani ilihagtakhainiklu kukiunikkut ilihagtitiyukhat, maningmingniklu munaghinikkut ilihagtitiyukhat, havaakmi ilihautjiplutik, puiguktaililugit pitquhiit atuqtakhat, etc. Katimayaqtuqtunut angiktut SEMC-ktut nakuuyumik uqaqtitivaktut apiqhuktitiyutlu tamainit katimayinit katimapkaiyut uqautigiplugit akturnit pivalliatjutit uyarakhiurnikkut qauyimaliqtatik nunallaamingni katimayiuyunitlu.

Quviagiyaayut naunaitkutaayutlu titirauyullu

Kitikmeoni Ukiaghaq 2012-mi SEMC-kut Katimatjutaat naunaiyattiakhimayunik tuhaqtakhanik amihuni titirauyullu ihivriuktakhanik umani Inuuhinut Piyangaiyautikkut Munaqhiniirmut avatimik uvanitunik Kitikmeoni Aviktuqhimaniini. Naunaiqhivagait ilangit ukuat ataani.

#### *Naunaiqtauhimayut*

- Inuuvangnikkut Tuquyunikkut inuigiangnia amigaigyumivakalliavaktut Nunavunmi Kitikmeonilu, amigaiyutjutaa 2,432-nik imatutlu 651-nik uvanga 2006-mit 2011-mut.
- Uqhuqtuuq amigaitqiyayut inuugiaghinit (215-nik nunaqaqtut) Kugaaryungmi ikinnikhayut (90-nik nutaanik nunaqaqtut) ).
- 51%-mik Kitikmeoni amigaitilangit atauttimuiyut 2011-mi nukaghiit ukiuqaqtut 25-mik .

#### *Aanniaqtailinikkut Inuuhiqattiarnirlu*

- Nunavunmi arnat nutaraghanikpaktut akungarni ukiuqaqtut 20-24-niklu– 2012-mi nutaraghanikpaktut amigaitilangit 200.3-nguyut inuuyut mirayait imatut 1,000 inuit, tuglkiatauk amigaitqiyayunit 25-29-mut uvani 147-nguyut.
- Niuviktauvaktut taangait, vainitlu amigaigyumiyut 2010-mit 2011-mut imatut \$553,000 imatutlu \$323,000, niuviktauyut biamik ikikliyumiyut imatut \$777,000.
- Inminiiktut Kitikmeoni amigaigyumiyut 3-nit 2010-mi 5-nut 2011-mi. Inminiiktut Kitikmeoni ikikliyuumiqtugaluit 2006-mit, 161-nguyut inminiiktut 100,000-ni inungni, 50.9-nut 100,000-ni inungni 2010-mi, amigaikyumiqiplutik ukiutqiutaani imatut 84.8 inminiiktut 100,000-ni inungni 2011-mi. Inminiiktut Nunavutnmi amigaikyumiyut hitamanik 30-nit 2010-mi 34-nik 2011-mi.
- Inminirniq Inuit ayughautigihimmaakpaktat huli (100%-mik) angutit (79.4%-mik) 2011-mi.
- Nunallaani munakhigarvingnungaulluaruikhiayut hamani aviktuqnirmi uvanga 42,236 upautiyut 2004-mi iamtut 29,143 upautiyut 2010-mi...
- Amigaitilangit nutaqqaat ikayuqtauqattaqtut nutaqqat imatutlu inuuhiriliqiyut amigaikyumiyut 78-nik 2009-mi 114-nik 2011-mi.

#### *Niqikhaqarnikkut*

- Niuviaghat akingita naunaiyautaat angikliyumiyuq 13%-mik 2003-mit 2011-mut Iqalungni (Ukiuqtaqtumiinnaq nunallani niuviaghat akingita naunaiyautaat )
- Niqit akitutilangit nirumiarunmi 2009-mi malruiktuvyaktuq akitutilanga Nunavunmi nunani(e.g. \$429 talauyuq Iqaluktuutiami) Ausaimi nunani (e.g. \$239 -talauyuq Yalunaimi) hapkuat atjikkutainik
- Nirittiarutait Ukiuktaqtumi:
  - Talamik akitutilangit ikayuutikhat atauhirmut inungmut Talurjuami \$955-tala, mikinighak Iqaluktuutiami \$420-talauyuq

- Nunavunmi tuniyauvaktut 57%-mik uan talamik ikayuutikhat, umatutlu 43%-mik uqumaitilanganik niqit uhitjutanik umani pinahuarutim. Kitikmeoni, hapkuat nappait 8%-mik imatutlu 7%-mut
- Pingahunik piqaqtut hapkunani nunami nauhimayut ahiatlu imatut 29%-mik tamaini ikayuutikhat, niqit niqiaqtutlu, tingmiat iqalut 17%-mik miluk 15%-mik.

### *Iliharuiq*

- Amigainighayut ilihartut Puktuniani 10, iniqtiyuittunik aiparurangat uktuqattaqtunit, imatut 10-11%-mik tamaita amigaitilangit ilihartut tamaini puqtunitni.
- Puqtuniani ilihartut 10-mi ilihariaqtunit, ikitqiyauvaktut 54%-mik 2011-mi.
- Ilihartunit iniqtiqaktut 17-nik 18-niklu ukiuqaqtut Kitikmeoni 14%-mik ikitqiyauyut Nunavunmi tamaani, 22%-nguyuq
- 48%-nguyuq Kitikmeoni inuqarnirit atauttimut iniqtiqhimaitut ilihartamingni angayukhiit iliharviani
- 7.5%-nguyut inuqarnirit atauttimuti iniqtiqhimayut angayukhiit iliharviani tuniyauhimayut makpiraamik
- 45%-nguyuti inuqarnirit atauttimuti iniqtiqhimayut angayukhiit iliharviani qullaanitunit (ayuittunit ilihartut, CEGEP-mik, uvaluuniit universitymit iniqtiqhimatjunmik tuniyauhimayut makpiraamik)

### *Iglukhatigut*

Iglukhatigut Iglukhailuqhimmaaktut , Uqhuqtuumi, Kugaarukmi, Talurjuami, nappaitluuniit amigaitqiyatluunit igluutait inuugiakpallaramik inighailliukpaktut.

Inungnut Iglukhait amigaitqiyauvakhimmaaktut iglukhanut hamani aviktuqhimanirmi. Iglunut akighat inuungni igluqaqtuni allangutaa inungni havarualiqpalliatjutauyuq. Kihimik, ilangit igluqaqtut inungnut igluhani ihumahimmanginaqaktut iglumik akighanga angikliyuumirniaktuq havalirumik

### *Ihuinnarnikkut*

Amigaitilangit ihuinnaqtut amigaigyumiyut 2006-mit, kihimik ikikliyuumiqtut talvanga, kihimi Talurjuami. Iqaluktuutiami ikikliyuumitqiyauyut, 78,000-mit 58,000-mut 100,000-ni inungni-2008-mit 2011-mut. Kihimik, Iqaluktuutiami aullayuittuq nunanit amigaitqiyuyut ihuinnaqaktut.

### *Havaatigut*

Havaatigut Havaakhat ikikliyuumivaktut 10860-mit 11767-nik 2008-mit 2011-mut (Inuit 6920-mit 7575-mut). Ukiup ilangani havaaghat allanguyuitut havaatigut allangutauyuitut titraqhimayunut. Havaahatigut amigaitilangit 2011-mi aullayuitut akungani 54.8-57.1%, imatut

2.1%-mik allangayuq tatqighiutini amigainighauyut (Niqiliqivik) Ikinnikhauyut (Tarium Hikutirvia/Upluiqtirvia) Havaakhat amigaitilangit.

Amigaitilangit Inuit ikayuuhiaqpaktut amigaikyumiyut 2003-mit 2009-mut, kihimik ikikliyummiqpalliyut.

*Pitquhiptingnit hulilukarutait.*

- Tamani ilauyvaktut ukunani Pitquhiptingnit hulilukarutait amigaikyumivaktut uvanga 2001-mit 2006-mut. Tutqumaviani ihuakhaqtauniaqtuq 2012-mi tuglianut unipkaktanni.
- Ilauvaktu uvani Pitquhiptingnit hulilukarutait. Kitikmeoni Aviktuqhimaniini amigaitqiyayuq Nunavunmi tamaninit nunanit.
- Kanatami Qauyihaiyit katikhiyut nappainik ilauyunit uvani 2001-mi Inuit Nutaqqanut Huliluqarnikkut Titiqani. Una nappait naunaiktut:
  - 2001-mi, 73%-nguyut Inuit nutaqqaat ilauvaktut ulapqiyuni atauhirmik havainirmi (titiraqtauhihimayunit 64%-nguyut tamaita nutaqqaat Kanatami).
  - 2001-mi, 19%-nguyut Inuit nutaqqaat ilauvaktut hulilukarutini unalu/uvaluuniit atuqtuni atuqtuuyaqtuni atauhirmik havainirmi (titiraqtauhihimayunit 23%-nguyut tamaita nutaqqaat Kanatami).
  - Ilangit 18%-nguyut Inuit nutaqqaat ilauvaktut hulilukarutini uvaluuniit ilauqatauyuni pitquhivut atuiqhugit hulilukaktuni (e.g inulramiit katimayuni, qilautjaqtuni, numiktitiyuni) 2001-mi (titiraqtauhihimayunit 23%-nguyut tamaita nutaqqaat Kanatami).
  - 2001-mi, 21%-nguyut Inuit nutaqqaat titiraqtauhihimayuni Ilauvaktu uvani Inuit pitquhitigut hulilukaktuni atauhimi havainirmi (titiraqtauhihimayunit 17%-nguyut Inuit nutaqqaat titiraqtauhihimayuni Kanatami), imatutlu 57-nguyut Inuit nutaqqaat Nunavunmi titiraqtauhihimayuni pullaqpaktut inutuqarnik atauhimi havainirmi.
- Nallunnaqtuq nappainik katitiktavvangniariakhainik qakugu nallunaktuq, Ilanginik ilauniarunakhiyut 2012-ni naunaiyautini.